

BOSNA I HERCEGOVINA
APELACIONI SUD BRČKO DISTRIKTA
BOSNE I HERCEGOVINE
Broj: 097-0-Su-20-0000021
Brčko, 15.01.2020.godine

Predsjednik Apelacionog suda Brčko distrikta Bosne i Hercegovine na osnovu člana 25., 26. i 33. Zakona o sudovima Brčko distrikta Bosne i Hercegovine ("Službeni glasnik Brčko distrikta BiH", broj 19/07, 20/07, 39/09 i 31/11), člana 8. Pravilnika o unutrašnjem sudskom poslovanju („Službeni glasnik BiH“, broj 66/12, 40/14, 54/17, 60/17 i 30/18) i člana 15. Pravilnika o unutrašnjoj organizaciji i sistematizaciji radnih mjesta u Apelacionom sudu Brčko distrikta Bosne i Hercegovine broj 097-0-Su-19-000403 od 27.05.2019. godine, donosi

PROGRAM RADA
APELACIONOG SUDA BRČKO DISTRIKTA BOSNE I HERCEGOVINE
ZA 2020.GODINU

OSNOVNI ZADACI

Osnovni zadatak programa rada Apelacionog suda Brčko distrikta Bosne i Hercegovine je da osigura nastavak afirmacije objedinjenog sudskog sistema Brčko distrikta Bosne i Hercegovine sa aspekta nezavisnosti i nepristrasnosti, potpune zaštite ljudskih prava i osnovnih sloboda, sa posebnom pažnjom da se svi sudski postupci završe u razumnim rokovima i tako stvore uslovi za bržu uspostavu vladavine prava. Nadalje, program rada ima za cilj da promoviše osnovne vrijednosti sudskog sistema: nezavisnost i nepristrasnost; pristupačnost; efikasnost i odgovornost u radu; pravičnost, jednakost i transparentnost; sud predstavljati kao instituciju trećeg segmenta vlasti u kojoj se ostvaruje pravda u pravo vrijeme u skladu sa opšteprihvaćenim i najvišim međunarodnopravnim standardima, Ustavom i zakonima Bosne i Hercegovine, Statutom i zakonima Brčko distrikta Bosne i Hercegovine; sve poslove u okviru zakonom utvrđene nadležnosti obavljati blagovremeno, efikasno i kvalitetno. Na ovaj se način stiče i zadržava povjerenje javnosti u sudski sistem Brčko distrikta Bosne i Hercegovine.

Program rada za 2019. godinu u potpunosti je realizovan, jer je na kraju izvještajnog perioda ostalo nezavršeno 56 predmeta odnosno 79 predmeta manje nego u 2018. godini. Dakle, riješen je godišnji priliv predmeta od 891, te smanjen zaostatak neriješenih predmeta za 79 predmeta ili 41 %. Naime, na svim osnovnim referatima sudski postupci su efikasno završavani tako da je postignut indeks ažurnosti od 109 %, a koeficijent eliminacije nezavršenih predmeta je manji od 0,1.

U toku 2020. godine konačno se očekuje imenovanje jednog dodatnog sudije u Apelacioni sud Brčko distrikta Bosne i Hercegovine, koji garantuje visoku efikasnost i ažurnost suda na svim referatima, rješavanje neaktivnih predmeta zbog nemogućnosti formiranja novog sudskog vijeća, te dodatno smanjenje broj neriješenih predmeta na kraju godine. U slučaju da se do kraja II kvartala 2020. godine ne izvrši imenovanje dodatnog sudije u Apelacioni sud Brčko distrikta BiH, predsjednik suda će pokrenuti postupak za privremeno upućivanje jednog sudije iz drugih sudova istog nivoa na rad u Apelacioni sud u skladu sa odredbama Zakona o Visokom sudskom i tužilačkom vijeću.

I

KRIVIČNO-PREKRŠAJNO ODJELJENJE

Prioritet u radu dati neriješenim krivičnim predmetima iz 2019. godine (ukupno 18 predmeta), prema vremenu prijema predmeta, odnosno inicijalnog akta i onim predmetima u kojima je zakonom predviđena hitnost u postupanju (pritvor), predmetima korupcije i organizovanog kriminala, te novoprimitim prekršajnim predmetima gdje prijete zastarjelost pokretanja i vođenja prekršajnog postupka.

Posebnu pažnju posvetiti novoprimitim predmetima ratnih zločina i preduzeti sve neophodne mjere u cilju realizacije očekivanih rezultata predviđenih Državnom strategijom za rad na predmetima ratnih zločina, kao i predmetima organizovanog kriminala i koruptivnim krivičnim djelima.

II

GRAĐANSKO-PRIVREDNO I UPRAVNO ODJELJENJE

Na građanskom odjeljenju prioritet u rješavanju dati neriješenim predmetima koji su ostali nezavršeni na kraju 2019. godine (ukupno 37 predmeta) i predmetima gdje je hitnost u postupanju predviđena zakonom (porodični, privredni i stambeni sporovi,

smetanje posjeda, privremene mjere, izvršenje i dr.), kao i nezavršenim predmetima na referatu vanrednih pravnih lijekova gdje nije moguće formiranje novog vijeća.

Osim toga, prioritet u radu imaju predmeti obuhvaćeni Planom rješavanja starih predmeta za 2020. godinu (ukupno 23 predmeta).

Tokom 2020. godine nastaviti sa angažovanjem stručnih saradnika, pripravnika i pripravnika volontera na rješavanju tipskih i manje složenih predmeta, uz obavezu mjesečnog pismenog izvještavanja o broju završenih i nezavršenih predmeta.

III

STATUTARNO ODJELJENJE – POSTUPCI OCJENE USKLAĐENOSTI PRAVNIH AKATA BRČKO DISTRIKTA BOSNE I HERCEGOVINE

U postupcima ocjene usklađenosti pravnih akata za Statutom i zakonima Brčko distrikta Bosne i Hercegovine, te u rješavanju sukoba nadležnosti na nivou Distrikta angažovati predsjednika suda, sve sudije Apelacionog suda Brčko distrikta Bosne i Hercegovine i stručne saradnike koji pomažu sudijama u pripremi predmeta, radnog materijala, organizaciji sjednica i javnih rasprava, te izradi nacрта odluka.

Prioritet u radu dati neriješenim predmetima iz 2019. godine kako bi se u prvom kvartalu 2020. godine završili neriješeni predmeti iz 2019. godine (pet predmeta statutarnosti).

Nastaviti praćenje realizacije Plana rješavanja predmeta prema Uputstvu za izradu Plana rješavanja predmeta od 01.10.2019. godine.

Pratiti realizaciju svih obaveza koje imaju sudije, predsjednici sudskih odjeljenja i predsjednik suda u skladu sa usvojenim Pravilnikom o postupku ocjenjivanja rada nosilaca pravosudnih funkcija, Kriterijima za ocjenjivanje rada sudija u Bosni i Hercegovini i Kriterijima za ocjenjivanje rada predsjednika sudova i predsjednika sudskih odjeljenja u Bosni i Hercegovini. Posebnu pažnju obratiti na dosljednu primjenu člana 7. Kriterija za ocjenjivanje rada sudija u Bosni i Hercegovini, odnosno usklađeno popunjavanje obrazaca koji se odnose na elemente ocjene analitičkog kvaliteta rada i odluka sudija Osnovnog suda Brčko distrikta Bosne i Hercegovine.

Blagovremeno izraditi Odluku u CMS-u o utvrđivanju predvidivih rokova za rješavanje predmeta u toku 2020. godine.

IV

ODJELJENJE ZA SUDSKU PRAKSU

Kontinuirano vršiti sistematizaciju i ažuriranje sudske prakse u svim pravnim oblastima, pratiti praksu drugih sudova u Bosni i Hercegovini i ažurirati praksu drugih redovnih sudova, Ustavnog suda Bosne i Hercegovine i Evropskog suda za ljudska prava, te stvoriti bazu presuda Apelacionog suda Brčko distrikt Bosne i Hercegovine neophodnu za izdavanje prvog biltena sudske prakse. U navedene aktivnosti uključiti Višeg pravnog savjetnika za sudsku praksu u cilju zajedničke realizacije projektnih aktivnosti u okviru Projekta Izgradnje efikasnog pravosuđa u službi građana - IPA 2017 finansiranog od strane Evropske unije broj 14-02-2-2686-1/2018 od 14.08.2018. godine, Komponenta Jačanje odjeljenja za evidenciju sudske prakse/sudsku praksu, sa krajnjim ciljem uspostave adekvatnog aplikativnog sistema za evidenciju sudske prakse.

Sudije Apelacionog suda Brčko distrikta Bosne i Hercegovine redovno obavještavati o najnovijoj sudskoj praksi, te uspostaviti saradnju sa odjeljenjima za sudsku praksu drugih sudova.

Koordinirati rad sudskih odjeljenja na pripremi rasprave o spornim pitanjima koja će se raspravljati na Panelima za ujednačavanje sudske prakse.

V

SUDSKA UPRAVA

Nadgledati primjenu Pravilnika o unutrašnjem sudskom poslovanju.

Analizirati izvještaje sekretara suda i po potrebi preduzeti odgovarajuće mjere kako bi se obezbijedilo zakonito i stručno vršenje poslova i zadataka uz poštovanje zahtjeva efikasnog i racionalnog postupanja.

Pratiti rad portparola Pravosudne komisije Brčko distrikta Bosne i Hercegovine u pogledu informacija koje se odnose na Apelacioni sud Brčko distrikta Bosne i Hercegovine, a u skladu sa Zakonom o slobodi pristupa informacijama i

podzakonskim aktima koje je donijela Pravosudna komisija Brčko distrikta Bosne i Hercegovine.

U navedene aktivnosti, po potrebi, uključiti i stručne saradnike.

VI


OSTALE MJERE

U koordinaciji sa predsjednicima Suda Bosne i Hercegovine, Vrhovnog suda Republike Srpske i Vrhovnog suda Federacije Bosne i Hercegovine zakazati i održati sastanke u cilju zauzimanja ujednačenih stavova u pogledu aktuelnih pitanja pravosudnog sistema Bosne i Hercegovine. Osim neposredne komunikacije sa predsjednikom Osnovnog suda Brčko distrikta Bosne i Hercegovine redovno zakazivati sastanke u cilju rješavanja svih pitanja značajnih za zakonito i pravilno funkcionisanje sudova, zajedničke sastanke sudskih odjeljenja oba suda, te izvršiti dvije periodične kontrole u cilju utvrđivanja stanja rada prvostepenog suda na osnovu neposrednog uvida neposredno višeg suda, a sve u skladu sa odredbama člana 9. Pravilnika o unutrašnjem sudskom poslovanju i člana 15. Kriterija za ocjenjivanje rada predsjednika sudova i predsjednika sudskih odjeljenja u Bosni i Hercegovini.

Pratiti zakonodavne aktivnosti Skupštine distrikta koje se neposredno ili posredno odnose na sudove distrikta i putem Pravosudne komisije Brčko distrikta Bosne i Hercegovine pravovremeno inicirati izmjene i dopune pojedinih zakona, te budžetske aktivnosti za 2021. godinu.

Putem Pravosudne komisije Brčko distrikta Bosne i Hercegovine pratiti postupak usvajanja zakona koji su od značaja za sudski sistem Brčko distrikta Bosne i Hercegovine.

U koordinaciji sa Predsjednikom Osnovnog suda Brčko distrikta Bosne i Hercegovine i Sekretarom sudova pratiti implementaciju sistema automatskog upravljanja predmetima (CMS) i preduzimati radnje za njegovo pravilno i efikasno funkcionisanje.


PREDSJEDNIK SUDA,
Damjan Kaurinović